



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De purgatorio VVilhelmi monachi, cap. 37.

urn:nbn:de:hbz:466:1-13177

APOLLONIVS: Non est sanæ mentis, qui huiusmodi pœnam omni pœna huius mundi dixerit acutiores. **CÆSARIVS:** De hoc pleniū in sequenti cap. disputationabitur: Margareta vero ex comminatione defunctæ sic territa est, ut infirmata, ad extrema deueniret: quæ rapta in excessum mentis, sic jacuit, ut omnibus defuncta videretur; post horam reuersa, quasdam ex sororibus in præsentia dominæ nostræ te vidisse, quasdam e illic non vidisse testata est: Dicebat etiam, quia eadem gloriosa virgo Maria coronam in manu haberet, quia Stepponis tacerdotis esse dicebat. Idem Steppo presbyter fuit valde religiosus, & mirè charitatiu in eodem monte Deo, prædictisque sororibus seruens. Ut autem noueris non esse curandum, quacunq; morte justus moriatur, idem Steppo, cum in acutis laboraret anno præterito, materia rapta in cerebrum totus factus est phreneticus, ita ut multas blasphemias euomeret. Defuncto eo atque sepulto, Dominus nutrita eius volens ostendere, miracula ad eius tumtam dignatus est operari: infirmi, sicut audiui, super ilam dormiunt, & tani surgunt. **APOLLONIVS:** Nunc ederas, quæ residua sunt de purgatorio. **CÆSARIVS:** Qui huldam sola carætia diuinæ visionis purgatorium est, sicut in hoc patet exemplo.

CAPUT XXXVII.

Ante hos duodecim annos, monachus quidam Wilhelmus nomine apud nos defunctus est; puer quidem ad ordinem venit, & verè puer, quia purus & impollutus, genere nobilis erat, sed virtus mentis magis illum nobilitabat. Completo anno probationis, sequenti die cœpit infirmari, & post paucos dies, sancto fine decedens, expulit tempora multa. Qui statim post mortem cuidam monacho apparens, cum de statu suo requireretur, respondit se esse in pœnis. De quo verbo cum ille territus fuerit, & diceret: Si tu es in pœnis, qui nunquam peccasti, quid fieri de me peccatore, meique similibus? Consolans eum defunctus ait: Noli flere, quia

quia nullam aliam patior pœnam, nisi quod nondum
vidi Deum: ipsam dilationem gloriae, pœnam repu-
rans, nec immerito; Spes que differtur, affigit anima.
Et adjecit; Ach quam clarum erit quod statim veniet
ante Deum! Rogate, inquit, ex parte mea dominum
Abbatem, ut in capitulo orationes injungat pro me
ad tempus, & ut ipse pro me dicat collectam, sicque
liberabor. Dicente monacho: Vnde erit collecta illa?
Respondit: De sancto Michaële. Manè cùm visio reci-
tata fuisset domino Henrico Abbatì nostro, ipse de-
eodem Archangelo statim missam celebrauit, in capi-
tulo Psalmum: Quemadmodum desiderat ceruus ad *Psal. 41.*
fontes aquarum, dicendum per septem dies omnibus
pro eo injungens. Mira virtus orationum; Conrado,
nunc Priore loci Sanctæ Mariæ, stante in choro, cùm
in uno versiculo illius psalmi, Deus Deus meus, ad te *Psal. 62.*
de luce vigilo, leuiter dormitaret, sæpedictum Vil-
helnum sub pallio beatæ Dei genitricis stare conspe-
xit, cum multa gratulatione dicentem: Modò omni-
no liberatus sum. Eodem tempore prædicto monacho
secundò apparens testatus est, tantum septem diebus
se fuisse in purgatorio, id est, in parentia diuinæ visio-
nis, multa illi de statu quarundam animarum reue-
lans. APOLLONIVS: Secundum hoc paradiſus ter-
ræ purgatorium est. CÆSARIVS: Reuera, si in eo ani-
mæ sunt corporibus exutæ, & eis visio Dei negatur,
idem locus deliciosus eis est purgatorium: cui cōsen-
tire videtur quod sanctus Gregorius in dialogo dicit *Greg. I. 4.*
sub his verbis: Nam sunt quarundam justorum ani-
mæ, que a cœlesti regno quibusdam adhuc mansioni-
bus differuntur. In quo dilationis damno quid aliud
innuitur, nisi quod de perfecta iustitia aliquid minus
habuerunt? Sicut audiui à quodam magno theologo,
quod quidam tam iusti sunt, ut post mortem puniri
non mereantur, nec tamen statim Dei visione fruan-
tur, propter puluerem venialium.

*Prov. I 3.**dialog.**cap. 2 5.*